Winter colour.

Samuel Smiles, a native of East Lothian, had the right idea. Self-help's the name of the game.

In efternuin the winter sky
Is darkenin ower the hill,
An clouds o grey afore the gale
Their sleety torrents spill.

And aw along the plantin's edge The bare black brainches dreep. Ower sodden fields the glaury pools Are spreadin wide an deep.

At close o day the world aw roond Sae dreich an drab appears. At close o day nae guidin star The weary wanderer steers.

But as for me, the world I see Wi colour is ableeze, Rich rid an gold ma hert uphold, An paler pastels please.

Tae trace the gold amidst the grey, The secret I'll suin tell. The colours that enhance yer way, Ye must paint them in yersel.